



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1735. usque ad annum 1737

Fleury, Claude

Augustæ Vindelicorum [u.a.], 1786

VD18 90119347

§. 18. Clementis XII. Papæ ad Fœderati Belgii Catholicos.

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

tus decretum supprimi jussit libellum Sæc. XVIII.
 sub titulo: *Epistola Cabilionensis Episco-* A. C. 1735.
pi ad Laudanensem Episcopum: vicissim
 vero Parisiense Parlamentum damnavit
 aliud scriptum, cui titulus: *Detecti er-*
rores Trecensis Episcopi.

§. XVIII.

Clementis XII. Papæ epistola ad Fæ-
derati Belgii Catholicos.

Postquam Ultrajectenses Pseudo - Ca- Vid. supra
 nonici Theodorum de Croon anno pag. tom. 74.
 priori sibi in suum Archiepiscopum pro- p. 513.
 pria auctoritate elegerant, summus
 Pontifex primas eo curas intendit, ne
 Catholici in Fœderato Belgio agentes
 per schismatici hujus Præfulis sibi que
 adhærentium molimina, fraudes &
 artes ab obsequio Sacræ Sedi debito
 averterentur: Recens enim adhuc erat
 tristis memoria vexationum, quibus
 Catholici præsertim Sacerdotes a
 Barchmanno nuper defuncto Pseudo-
 Archiepiscopo oppressi fuerant; quippe
 Hic non contentus, quod exclusis or-
 thodoxis Sacerdotibus ac Parochis Jan-
 senistas subrogarit, insuper Calvinia-
 nos Belgii Ordines eo inducere molie-
 batur, ut una omnes Romano-Catho-
 licos Sacerdotes, qui arrogatæ ejus
 jurisdictioni sese subiicere recusabant,
Hist. Eccles. Tom. LXXV F vio-

Sæc. XVIII. violenter e patria excedere juberent;
A. C. 1735. probe enim sibi perspectum habebat
 Barchmannus, percussis Pastoribus facile oves dispersum, & a supremo suo Pastore avulsam iri: Verum major erat Calvinistarum æquitas, quam hujus Jansenistæ invidia; cum enim Catholicis ad Fœderatos Ordines Hagæ Comitum congregatos libellum supplicem, in quo quam plurimis, iisque nobilissimis Viris, imo ab ipso etiam Simone Barchmanno Pseudo-Episcopi Nepote appropinquante Catholico subscriptum darent, peterentque, ut suam Religionem, ut hæctenus, etiamnum sub cura Romano-Catholicorum Sacerdotum liberè exercere possent, nec schismatici Episcopi jurisdictionem agnoscere cogèrentur: Horum preces omnino æquissimas reputabant Ordines, quocirca decrevere, ut Barchmannus deinceps suam jurisdictionem duntaxat in fœderationis suæ homines exerceret, & Parochiis, quas hucusque Catholicis Sacerdotibus eripuisset contentus, in reliquas Catholicorum involare non præsumeret: Ab eo igitur tempore hic Pseudo-Archiepiscopus passim non jam Catholicorum, sed Jansenistarum Episcopus & quidem *parvæ Ecclesiæ* nominabatur; nec id immerito, cum enim hæc extra Ultrajectum, Leovardiam &

& Amphordiam Urbes sese in Belgio Sæc. XVIII.
 Fœderato non extendat, ac in Provin- A. C. 1735.
 ciis Ultrajectensi & Selandia Geldria,
 Transisalana, Frisia &c. penitus igno-
 retur, proin nullatenus Catholica seu
 universalis sit, ejusmodi Episcopus
 Catholici gregis Episcopus nominari &
 esse haud potest.

Ut igitur summus Pontifex fidelem
 hunc gregem in sua fide & obsequio
 firmaret, hoc anno die decima septima
 Februarij ad Catholicos in his ditioni-
 bus agentes paternas dedit literas, in
 quibus se ex Pastoralis sui Officii debi-
 to semper pro æterna animarum salute
 vigilem hujus populi necessitatibus
 commoveri testabatur, ac propterea
 preces & lacrimas coram Deo sine inter-
 missione effunderet, ut ipsi a Sathanæ
 laqueis præservati indies magis magis-
 que in puritate fidei, & sanctæ doctri-
 næ constantia firmarentur: se quidem,
 prosequabatur Pontifex, nullatenus du-
 bitare, quin omnia, quæ a tenebra-
 rum potestatibus attentarentur, ad fir-
 mandam eorum constantiam, & extol-
 lendam virtutem conferrent, ne tamen
 paternæ suæ vigilantix deesset, potius
 gemitibus, quam verbis eis, quid age-
 re, quid omittere deberent, exponere
 compulsus esse. His præmissis refe-
 rebat

Sæc. XVIII. rebat Papa, „se non sine maximo ani-
 A. C. 1735. „mi mœrore percepisse, quosdam,
 „qui Canonicorum nomen jactant Ca-
 „pituli Ultrajectini, quod tamen ante
 „annos abhinc plures supra centum de-
 „letum fuisset, die vigesima secunda
 „Julii anno 1733. quemdam Theodo-
 „rum de Croon turbulentæ factionis
 „suæ Antesignanum in Archiepiscopum
 „suum elegisse, & quamquam sat lucu-
 „lenter ac palam scivissent, temerariam
 „hanc non minus ac nullam, æque ac
 „omnes præcedentes ejusmodi electio-
 „nes, a Sacra sede rejectam esse, eos
 „tamen curasse, atque effecisse, ut die
 „vigesima octava Octobris anno 1734.
 „Apostolica auctoritate, Sacrorumque
 „Canonum contemptis regulis præfa-
 „tus Theodorus consecraretur per dete-
 „stabilem, fraudulentam & sacrilegam
 „manuum impositionem Dominici Ma-
 „riæ Varleti Episcopi Babylonensis,
 „qui tamen jam dudum ab Episcopa-
 „lis Ordinis exercitio suspensus fuisset,
 „ejus suspensione per S. Collegii literas
 „publice denunciata.

„His ita expositis addebat Pontifex;
 „ut igitur pro nostra sollicitudine & Pa-
 „storalis vigilantix officio, rei verita-
 „tem nostramque mentem desuper vo-
 „bis notam faceremus, necnon ad Præ-
 „deces-

„decessorum nostrorum exemplum tan- Sæc. XVIII.
 „tis scandalis ac periculis opportuna A. C. 1735.
 „adhibeamus remedia, auctoritate
 „Apostolica tenore præsentium delara-
 „mus, tam electionem ejusdem Theo-
 „dori in Archiepiscopum ultrajectinum
 „fuisse irritam, ac prorsus nullam,
 „quam ejus consecrationem fuisse om-
 „nino illicitam, & execrandam, ac
 „proin ipsum Theodorum temere, nul-
 „loque jure electum omni Ecclesiastica
 „& spiritali jurisdictione pro anima-
 „rum Regimine carere, atque illicite
 „consecratum ab omni exercitio Epi-
 „scopalis Ordinis esse suspensum. In-
 „super auctoritate Dei Omnipotentis
 „præfatum Theodorum omnesque qui
 „sub falso Canonicorum Ultrajecten-
 „sium nomine ipsum elegerunt, nec-
 „non eos, qui ad detestandam ejus conse-
 „crationem concurrerunt, eidem ad-
 „dicti sunt, & adhærent, aut eis
 „opem, favorem, & consensum præ-
 „stiterunt, a communione Ecclesiæ se-
 „gregatos, & ut tales esse vitandos de-
 „claramus ac præcipimus. Manda-
 „mus propterea, districteque interdici-
 „mus memorato Theodoro sub pœna
 „Excommunicationis ipso facto sine
 „alia declaratione incurrendæ, ne au-
 „deat Pastores, Missionarios, Mini-
 „stros, aut alios quocumque nomine

Sæc. XVIII. „nuncupentur, ad Animarum curam,
A. C. 1735. „& Sacramentorum administrationem
 „quovis etiam necessitatis prætextu
 „constituere, ac deputare. Simul
 „etiam palam edicimus. & declara-
 „mus, omnes, & singulas prædicto-
 „rum officiorum deputationes pro Ani-
 „marum regimine quocumque nomine
 „factas, aut fortasse faciendas, cum
 „omnibus inde secutis, prorsus irritas
 „esse, ac nullius roboris, & momenti.
 „Rursus eidem Theodoro præcipimus,
 „& inhibemus, ne sub simili Excom-
 „municationis pœna audeat illicite Sa-
 „cramentum Confirmationis, aut Or-
 „dines conferre, aut quoquo pacto Or-
 „dinem Episcopalem, a quo suspensus
 „est, exercere.

„Vobis autem, dilecti Filii, gravi-
 „ter injungimus, ac vetamus, ne an-
 „teditum Theodorum pro vero Archie-
 „episcopo Ultrajectino habeatis, & ag-
 „noscatis, neve cum eodem ullo pacto,
 „præsertim in Divinis, communicetis,
 „aut ab ipso, vel ab aliis per ipsum
 „perperam, & inaniter deputatis Sa-
 „cramenta aut Ordines accipiatis. No-
 „verit enim, qui Ordinibus initiatus ab
 „ipsis fuerit, suspensionis se vinculo
 „constriktum, atque irregularitati præ-
 „terea obnoxium, si susceptos Ordines
 exercuerit.

„De

„De cetero Deus, coram quo cor Sæc. XVIII.
 „nostrum inter gemitus effundimus, A. C. 1735.
 „testis nobis est, quam tenero, quamque
 „paterno amore Vos, Dilecti Filii am-
 „plectamur, auctoritate Apostolica de-
 „clarantes, & Dei nomine hortantes, ut
 „eodem corde, parique constantia in
 „communione Ecclesiæ perseveretis,
 „& caute ambulantes, adversus æter-
 „næ mortis pericula vigiletis, ac dia-
 „boli laqueis resistere studeatis; nul-
 „lum enim jucundius dolori nostro so-
 „latium afferre, nostramque securita-
 „tem firmare poteritis, quam si im-
 „motam subjectionem & obedientiam
 „erga decreta Apostolica exhibueritis.
 „Ac Vobis dilecti Filii, Apostolicam
 „benedictionem peramanter imperti-
 „mur &c. Ceterum Theodorus Pseudo-
 „Archiepiscopus & ejus Capitulum,
 „uti antea consueverant, ab hac Pon-
 „tificis Constitutione, & vibrato in eos
 „anathemate appellarunt.

§. XIX.

*Rituum Sinensium prohibitorum vin-
 dices a Papa repressi.*

Adhucdum rituum Sinensium a tot Vid. supra
 Pontificibus prohibitorum Propug- tom. 70. p.
 natores in eludendis horum Constitu- 659.
 tionibus non minus foecundi, quam sa- Bull. magn.
 gaces tom. 16. p.
 110. & tom.